

PRAELECTIONES ACADEMICAS
HYBERNAS

RECTOR
D. IOAN. CHRISTOPH.
KOCH

IVR. PROF. ORD. ACAD. SYND. CONSIL. AVL. HASS.
COM. PAL. CAES.

VNA CVM VNIVERSO

SENATV ACADEMICO
INDICIT


EASQUE SEDVLITATI

C I V I V M A C A D E M I A E
TAM GENERE QVAM VIRTVTE NOBILISSIMORVM
RITE COMMENDAT

P. P. VIII. SEPTEMBR. CIO MDCC LXV.

SVB SIGILLO ACADEMIAE MAIORI

G I S S A E,
EX OFFICINA BRAVNIA.



In Facultate Theologica.

D. REINH. HENR. ROLLIUS,

Academiae Senior.

Lectiones publicas, easque Polemicas, in Syllogen controversiarum summi Ecclesiae nostrae Theologi, D. Jo. Fechtii, praeterlapso quidem semestri continuavit, sed ob varia impedimenta absolvere non potuit. Hoc ipso vero, quod nunc bono cum Deo ingredimur, semestri eo allaborabit, ut ad finem optatum feliciter eadem perducantur. Et ut eo major ad lectissimos commilitones redundet utilitas, separatis quibusdam horis, uti nuper promisit, *exercitium disputatorium* in eandem Syllogen instituet. *Privatim* lectiones in *Augustanam Confessionem* ejusque *Apologiam*, nuper itidem promissas, inchoabit, praemissaque utriusque historia singulorum articulorum analysin & exegesin propinabit, dubiaque iisdem a recentioribus quibusdam opposita resolvet.

D. 10.



D. IO. HERM. BENNER

b. a. Decanus.

Publice, ius sacrum, finita in epistolam ad Thessalonicenses exegeſi; priuatim, theologiam dogmaticam, intra anni ſpatium pro more abſoluendam, exponet. Theologiam paſtorales volentibus tradet.

D. IO. STEPH. MÜLLER

*Finitis praelectionibus dogmatico-polemics, quas, duce ſuo, GUNNRO, habuit, illas iterum cum Deo auſpicatur. In Theologia morali ad finem pergit. Utque non tantum exerceat ſuos auditores in rebus diuinis, ſed etiam, quid profecerint, quacumque cognoſcat ratione; quem ad modum iuriconsulti ſolent, ſic quoddam *relatorum* etiam in Theologicis habebit. Referent autem ex ephemeridibus eruditorum auditores ipſi de rebus diuinis.*

In Facultate Iuridica.

D. FRANCISCVS IVSTVS
KORTHOLT

Academiae Procancellarius.

Praelectiones in ius publicum ad finem perducet. Ius Germanicum priuatum & ius feudale de integro explicandum reſumet, iis quoque, qui principia proceſſus ſummorum imperii tribunalium addiſcere cupiunt, non defuturus.

D.



D. IO. CHRISTOPH. KOCH

Ius naturae, Institutiones iuris civilis, Digesta & ius criminale docebit. Ius canonicum elapso semestri absolvit. Nec deerit iis, qui STRUVII iurisprudens, forens. explicationem desiderabunt.

In Facultate Medica.

D. IO. WILH. BAVMER,

Medic. Prof. primar.

Hor. VIII. eadem, quam hactenus praestitit, industria praelectiones chemicas publice continuabit, easque proximis sex mensibus ad finem perducet. Hor. X. illis, quae Cel. Boerhaave de morbis eorumque curationibus generatim, & de corporis humani vitiis speciatim praecepit, propediem absolutis, ad morbos internos priuatim explicandos, sese accinget. Hor. XI. Disciplinas, quae de mineris e terrae visceribus artificiose eruendis iisque fundendis nos docent, opera priuatissima tradet.

D. GEORG. LVD. ALEFELD

Cel. ROEDERERI *elementa artis obstetriciae* atque PLATNERI *institutiones chirurgiae* explicabit. Qui artem construendi & adplicandi fascias chirurgicas discere cupiunt, his operam suam offert, nec, data occasione, labores anatomicos negliget.

In



In Facultate Philosophica.

ERNESTVS THOM,

professor philosophiae actiuae.

Exponet ius naturae Wolfii, doctrinam Thummigii de moribus & de ciuitate, rerumque oeconomicarum institutiones Dithmari, quas Schreberus edendas curauit.

ANDREAS BOEHM,

Log. Metaph. & Mathem. P. P. O.

Praelectionibus logicis, metaphysicis, mathematicis tum continuandis tum denuo inchoandis diligentia & tempore consuetis vacabit.

D. LVD. GODOF. MOGEN,

Prof. Histor. Ordinar. Ordinis Philos. h. t. Decanus.

Publice praeleget praemonenda historiae Germaniae, vt & ipsam historiam Germaniae antiquae, ad seriem des *Grundrisses der Historie des alten Teutschlands, nebst einer Vorbereitung zu der Reichs-Historie*, qui libellus ipsis his nundinis Francofurtanis ex officina Andreaeiana in vulgus editur. *Privatim* tradet historiam Germanici Regni, praeeunte SCHMAVSSIO. Explicabit etiam, pro more suo, Excellentissimi ACHENWALLI historiam statuum Europæ. Offert praeterea desiderantibus collegium antiquario-statisticum ad librum pseudony-



donymum, nuperrime editum, qui inscriptus est:
GERMANN VON CLODWIGS *Gedanken von den über-
mächtigen Reichen älterer Zeiten, und von der heutigen
Universal-Monarchie des Hauses Bourbon.*

D. IO. GEORG. BECHTOLD,

utriusque eloquentiae P. P. O. & alumn.
Principis Ephorus.

Privatim HEINECCIi *fundamenta stili* de integro sibi
resumet explicanda; *praecepta oratoria* tradet prae-
eunte b. CAR. GOTTH. MÜLLERO in der Weisheit
des Redners, quique in his suam iam diligentiam exer-
cuerunt, iis summe venerandi BENNERI *theses homile-
ticas* interpretabitur; *disputationes privatas* haecenus con-
suetas moderari perget; privatissimum in Poësi tam Latina,
quam Germanica collegium aperiet; publice die Iovis &
Veneris *ideas orationum*, praesertim Germanicarum, au-
ditoribus suis ad exercitia sollemnia proponet; nec, si,
qui plura ab ipso desiderent, fuerint, muneri suo deerit.

D. GEORG. LVD. ALEFELD

Physicam dogmaticam experimentis illustrabit.



IOH. GEORG. HOFMANN,

SS. Th. D. LL. OO. PP. O.

Publise in explicando Herodiano perget; & priuatim, quae ad discendas linguas orientales spectant, ita tradet, vt vitae potius, quam scholae, discantur. Explicabit *Praecepta sua Grammatica* eo modo, vt intra semestre analysin simul vniuersam auditores discant; *accentuum doctrinam* proponet iunctam principiis *Chaldaismi & Syriasmis*; si qui sunt, qui vltra primas doctrinae hebraicae lineas progredi optant, *Jeremiae* illis vaticinia enucleabit; nec operam suam denegabit, petentibus lectiones arabicas, rabbinicas, vel flagitantibus scholas priuatissimas.

Praeter ista, Generosissimis Nobilissimisque Ciuibus de luculenta *equitandi pugnandi gladio, saltandique palae-stra Gallicae item & Italicae* linguae scholis, per magistros earum peritissimos, publice constitutos, abunde prospectum est.

